

Transkription von Urkunde HAL 1310a

Ort, Datierung: Halle, 1310-06-24

Signatur: Stadtarchiv Halle, II, Urk., 7 [U 1 Nr. 89] [\[online\]](#)

Inhalt: Domkapitel zu Magdeburg: Grundstücksvereinbarung

Bemerkung: anderes Datum: 25. Juni 1310

IN de(m)me namen gothes , Amen , Wi burchart von dher gnade ghodes Ercebischof , We bernhart von dher selben / gnade Dūmprovest We Gotfrid Deken vnde daz capitel gemeyne , des gotes huses zu megdeburch , bekennen / des ufphelichen , an disseme geghenwerdighen brive Daz we burchart von vnser weghene vnde von vnser ghoteshuses / weghene ghetedinget haben mit vnser lieben burgheren , von halle , vmme dy vormundeschaft , des ghutes der selbe(n) / burghe(ren) di an vns kome(n) mochte(n) Daz we vnde alle vnse nakomelinghe vns dher nicht sollen an neme(n) hir v(m)me / haben si vns gelighen vif hundert marc , steyndalches silberes , Wer aber daz we oder iegher vnser nakomelinghe / sich di vormundeschaft wolde an neme(n) an irme guthe , so solde we oder swelcher vnser nakomelinghe daz thete / den burgeren vif hundert marc silbe(re)s weder gebe(n) er he sich di vormu(n)deschaft an nemen , swenne di en bereit / weren so soldez vmme di vormundeschaft sten , als iz vor stund(e) vf ein offenbar orkunde dhisser dinghe , daz dhi / von vns vnde von vnser nakomelinghen stedhe gehalden werden , so habe we vorbenante burchart ercebischof / vnde we bernhart dumprovest gotfrid dhi theken vnde daz capitel gemeyne des ghoteshuses zu megdeburch / dissien brif bescreben vnde beseghelt lazen mit vnser inghesegelen , Disser dhinge sint ghezughe dhe Edele man / her borchart von mansvelt , her heyne von alsleue , her herman von wederde von warmesdorp ghenant , her otte / von welsleue vnse marschalk , vnse burg(er)e von megdeburch kūne dhi langhe , walther von slenstede , bertram / brandan , henni(n)g von hildensheim werner von hildensheim vnde anderer ghetruwer lūthe ghenūch , Disse / dhink dhi sint geschen vn(de) disse brif dhi is ghegeben an deme jare von ghotes ghebūrth ober durent Jar / drihundert iar an deme zenden Jare In deme thage des herren santhe Johanneses Baptisten